

AWIG - AWIG DESA PAKRAMAN BATUR



Desa Pakraman Batur

2018

MURDA – CITTA

AUM – OM

SARGA I

ARAN LAN WEWIDANGAN DESA

PAWOS 1

1. Desa Adat puniki mewasta Desa Pakraman Batur;
2. Wewidangan Desa Pakraman Batur puniki ngawengku:
 - a. Pura Kahyangan Jagat;
 - b. Pura Kahyangan Tiga;
 - c. Pura – pura pengideran/pesananakan.
3. Jebar kakuwub wewidangannyane mawasta palemahan Batur, mewates:
 - a. Wates sisi kaja Desa Kintamani;
 - b. Wates sisi kangin Desa Songan;
 - c. Wates sisi kelod Desa Sekar Dadi;
 - d. Wates sisi kauh Gunung Kunyit.

PAWOS 2

Wewidangan palemahan desane kaepah dados tigang (3) desa dinas/keperbekelan luire:

- a. Keperbekelan Desa Batur Utara;
- b. Keperbekelan Desa Batur Tengah;
- c. Keperbekelan Desa Batur Selatan.

SARGA II
PATITIS LAN PAMIKUKUH
PAWOS 3

Desa Pakraman Batur puniki ngemanggehang dasar pamikukuh:

- a. Pancasila;
- b. UUD RI Tahun 1945;
- c. Tri Hita Karana manut tatwa Agama Hindu;
- d. Raja Purana Pura Ulun Danu Batur.

PAWOS 4

Luir patitis desane:

- a. Mapikukuh miwah ngerajegang Sang Hyang Agama;
- b. Ngerajegang sukertaning desa, krama saha kasukertaning pawongannyane sekala lan niskala;
- c. Nincapang parilaksana wargannyane ngemargiang dharma agama.

SARGA III
SUKERTA TATA PAKRAMAN INDIK KRAMA DESA PAKRAMAN
BATUR

PAWOS 5

1. Sane kabawos krama Desa Pakraman Batur inggih punika kula warga sane ma Agama Hindu tur jumenek ring Desa Pakraman Batur sampun nganutin tata titi Desa Pakraman Batur;
2. Warga sane sampun kabawos krama Desa Pakraman Batur, warga punika sampun magenah ngeranjing ring sinilih tunggil tempekan ayah-ayah/paduluan sane wenten ring Desa Pakraman Batur, inggih punika:

- a. Malarapan kasudi dados: Jero Gede Batur, Jero Balean, Jero Penyarikan, Jero Mangku, Jero Karaman/Bali Rama, lan Pelancang;
- b. Tempekan Jero Gambel;
- c. Tempekan Jero Baris;
- d. Tempekan Jero Undagi;
- e. Tempekan Jero Batu Danguan;
- f. Tempekan Jero Batu Dauhan;
- g. Tempekan Jada;
- h. Tempekan Pengampel;
- i. Tempekan Pecalang;
- j. Tempekan Roban;
- k. Tempekan Daba Bunga.

PAWOS 6

NGERANJING MAKRAMA DESA

1. Sane patut ngeranjing makrama Desa Pakraman Batur, warga/wong sane sampun alaki rabi, tur jumenek ring pewardangan Desa Pakraman Batur;
2. Ngeranjing makrama Desa Pakraman Batur sangkaning sampun wed jumenek ring Desa Pakraman Batur tur sampun nganutin sapari polah sima/dresta sane wenten ring Desa Pakraman Batur;
3. Sangkaning megingsir genah malarapan ngerereh pangupa jiwa ring wawidangan Desa Pakraman Batur, utawi wit patilar rahayu saking Desa sewosan;
4. Ngeranjing makrama Desa patut mapiuning/matur ring dane jero karaman/kasinoman Desa Pakraman Batur ngelantur ngeranjing ring sinilih tunggil tempekan tur satinut ring ilikite tempekan.

PAWOS 7

PANEMAYA TEDUN NGERANJING MAKRAMA DESA PAKRAMAN

1. Sampun alakirabi tur sampun ngemargiang upakara mepragat/memirak, mangda sampun tedun ngeranjing ngayah makrama Desa manut tempekan-tempekan ayah sane wenten ring Desa Pakraman Batur;
2. Wong/warga dura desa, wit kedeh kayun ngeraga ngerereh pangupa jiwa jenek magenah ring palemahan Desa Pakraman Batur jaga nyarengin makrama Desa Pakraman patut:
 - a. Matur piuning ring Jero Karaman/Kasinoman Desa Pakraman Batur;
 - b. Katureksa antuk Jero Karaman/Kasinoman Desa Pakraman;
 - c. Tinut satinut ring sedaging awig-awig tur parareman-parareman Desa Pakraman;
 - d. Tedun geranjing ring sinilih tunggil tempekan sane wenten ring Desa Pakraman Batur;
 - e. Naur pamogpog beras 200 kg (yening krama Hindu Bali), naur pamogpog beras 500 kg (yening krama dura negara/luar negeri/dura provinsi);
 - f. Yening maagama tiyosan ring agama Hindu patut nyantenang makta surat sudi widani saking PHDI, sampun ma agama Hindu.

PAWOS 8

SWADARMANING KRAMA DESA PAKRAMAN BATUR

1. Bakti kalih sutindih parama bela ring Desa;
2. Nyejerang saha satinut ring sedaging awig-awig, parareman lan pasuaran Desa Pakraman/jero karaman/jero kasinoman;
3. Natak panas tis tetegenan kerti desane antuk ayah-ayah (ngeranjing ring sinilih tunggil tempekan);
4. Tatkala wali sasih karo (wali ring pura desa) patut ngaturang jinah ketekan manut akeh kula warga soang-soang.

PAWOS 9

SWADHARMANING TAMIU

1. Tan wenang melaksana sane ngawingang obah kasucian miwah kasukertan Desa Pakraman;
2. Tinut satinut ring daging awig-awig, Desa Pakraman, parareman, pasuaran, saha, tetiwak Desa Pakraman manut kasukertan sekala;
3. Prade tamiune jenek ring wewidangan Desa Pakraman Batur langkung ring nem sasih patut tamiune punika tedun ngeranjing makrama Desa Pakraman Batur saha naur pamogpog nganutin parareman Desa Pakraman/tempekan;
4. Tamiune sane jaga tedun ngeraning makrama Desa patut magenah ring sinilih tunggil tempekan tur satinut ring sedaging ilikita tempekan;
5. Prade saking pemerintah ngenahang pegawai mawit saking dura desa, dados nenten tedun makrama desa sakewanten mangda tedun masuka duka ring banjar.

PAWOS 10

INDIK AYAH-AYAH KRAMA DESA

1. Ayah-ayahan ring Desa Pakraman Batur kaepah dados: tempekan-tempekan kadi ring sor:
 - a. Tempekan Jero gambel;
 - b. Tempekan Jero baris;
 - c. Tempekan Jero undagi;
 - d. Tempekan Jero batu danginan;
 - e. Tempekan Jero batu dauhan;
 - f. Tempekan Jada;
 - g. Tempekan Pecalang;
 - h. Tempekan Pengampel;
 - i. Tempekan Roban;
 - j. Tempekan Daha Bunga.

2. Soang-soang tempekan patut makarya ilikita;
3. Ilikita tempekan tan wenang nungkasin awig-awig lan parareman Desa Pakramane;
4. Pamogpog tempekan patut nganutin parareman desa;
5. Soang-soang tempekan patut magebagan nganutin pah-pahan.

PAWOS 11

SWADHARMANING KRAMA DESA PAKRAMAN SEWOSAN

RING AYAH-AYAH

1. Patut mesadok ring jero karaman/kasinoman Desa Pakraman prade:
 - a. Maduwe oka wawu embas kembar/buncing;
 - b. Maduwe oka ngarorod/nganten;
 - c. Ngajak wang dadudukan patut nganutin pula pali adat lan dinas;
 - d. Nampi tamiu ngantos makolem lintang ring tigang rahina;
 - e. Ngajak panyakap tanah/tegal ring wewidangan Desa Pakraman Batur;
 - f. Kepatian/kalayu sekaran;
2. Tetegenan krama Desa manut ring soang-soang tempekan.

PAWOS 12

INDIK PAMIDANDA

1. Pet prade wenten krama Desa Pakraman Batur sampun merabian nenten ngemargiang upacara mepragat/memirak lintang ring nem (6) sasih patut :
 - a. Katureksain antuk jero karaman/kasinoman miwah kelihan banjar adat;
 - b. Prade memengkung nenten nganutin tetepas jero karaman/kasinoman krama punika satmakane sampun nenten rungu ring Desa Pakraman.

2. Krama Desa Pakraman sane nenten ngemargiang upakara mapragat/mamirak punika kabawos mamitra ngalang (kumpul kebo), pet prade kalayuan nenten kangkat mendem sawa ring setra Desa Pakraman Batur (suami, istri, anak yening sampun madue oka);
3. Prade krama Desa sane kantun memitra ngalang ketibenin kalayuan meled mendem sawa ring setra Desa Pakraman Batur patut:
 - a. Tedun makrama desa/matempekan;
 - b. Ngelaksananyang upakara mepragat/memirak;
 - c. Ngetut/negepin urunan;
 - d. Nunas sinampura ring krama Desa Pakraman tatkala paruman galungan.
4. Krama Desa sane durung tedun matempekan/makrama Desa Pakraman Batur nenten kangkat mendem ari-ari ring temesi druen Desa Pakraman Batur;
5. Pet prade wenten krama Desa sane nenten ngeranjing tedun makrama Desa Pakraman (nenten dados paduluan, nenten ngeranjing matempekan) riwusan ngemargiang upakara mapragat/memirak lintang ring nem sasih punika patut kapidanda:
 - a. Nenten kangkat mendem sawa ring setra Desa Pakraman Batur (suami, istri, anak yening sampun madue oka);
 - b. Nenten kangkat nyarengin upacara pitra yadnya masal sane kemargiang antuk Desa Pakraman Batur;
 - c. Nenten kangkat ngaturin paduluan Desa Pakraman rikanjekan ngemargiang upacara yadnya;
 - d. Nenten karombo antuk Desa Pakraman inggian jaga ngarereh surat-surat sane mapaiketan sareng Desa Pakraman Batur.
6. Prade krama Desa Batur sane nenten tedun ngeranjing makrama Desa Pakraman kirang ring awarsa, yening kedeh ngangge setra rikanjekan kelayuan, taler jagi ngangge kahyangan Desa Pakraman patut keni pananjung batu marupa:
 - a. Keni jinah pamogpog 2.000 kepeng jinah bolong asli utawi beras 600 kg;
 - b. Keni upacara pamarayascita setra;
 - c. Keni gurupiduka ring mrajapati;

- d. Keni gurupiduka ring pura kahyangan tiga (pura puseh, pura desa/bale agung lan pura dalem);
 - e. Nunas sinampura ring krama Desa Pakraman rikanjekan paruman rahina galungan.
7. Pet prade wenten krama Desa Pakraman Batur kasudi dados paduluan, pelancang miwah sane lianan, tiosan ring kasudi antuk Desa Pakraman Batur tan kangkat metilar/mepamit saking ayah tempekan (tetep negen ayah ring sinilih tunggil tempekan) pet prade krama punika piwal (mapamit saking tempekan) warga/krama Desa punika satmaka nungkasin Desa Pakraman patut nenten kasarengan dados krama Desa Pakraman Batur. Duwaning sampun nenten dados krama Desa Pakraman Batur nenten dados: sekadi sampun kasurat ring pawos 12 nomor 5 (a,b,c,d) (prade nenten ngayah kirang ring kalih warsa). Pet prade kedeh/meled malih makrama Desa utawi jaga ngangge setra, ngangge kahyangan krama punika patut keni penanjung batu sekadi sane sampun kasurat ring pawos 12 nomor 6 (a, b, c, d, e);
 8. Prade wenten sinilih tunggil paduluan Desa Pakraman Batur nenten naur urunan,taka turun/tatakan ayah lintang ring awarsa (12 sasih) patut katureksain antuk jero karaman/kasinoman;
 9. Prade wenten sinilih tunggil krama tempekan nenten naur taka turun/tatakan ayah lintang ring awarsa (12 sasih) punika patut keni pamidanda manut ilikita tempekan;
 10. Prade wenten sinilih tunggil krama Desa Pakraman Batur nenten naur taka turun/tatakan ayah lintang ring plekutus sasih (18 sasih), krama punika sampun nenten rungu ring Desa Pakraman. Krama punika nenten dados sekadi sane sampun sesurat manut pawos 12 nomor 5 (a, b, c, d), pet prade krama punika kedeh malih jaga makrama Desa Pakraman patut keni penanjung batu:
 - a. Keni beras akehnyane 1000 kg;
 - b. Keni maguru piduka ring Pura Tri Kahyangan Tiga (Pura Puseh, Pura Desa/Bale Agung lan Pura Dalem);
 - c. Nunas sinampura ring Desa Pakraman Batur nemonin rahina buda kliwon dunggulan/rahina Galungan nyantenang ikrama punika meled nyarengin ngayah ring Desa Pakraman;

- d. Patut magenah ring sinilih tunggil tempekan sane jaga ka enter olih Jero Karaman/Kasinoman;
 - e. Prade durung ngaturang bakti pererebuan alit (mapragat/mamirak) patut taler kadulurin riin antuk ngaturang bakti parerebuan alit.
11. Prade wenten sinilih tunggil krama Desa Pakraman Batur nenten ngayah/nenten nyarengin makrama Desa Pakraman Batur lintang ring 2 warsa krama punika kabawos ninggal kedaton duwaning sampun nenten rungu ring Desa Pakraman, krama punika nenten dados mendem sawa ring setra druen Desa Pakraman Batur, nenten kangkat nyarengin upacara pitra yadnya masal ring Desa Pakraman, nenten karombo atuk desa pakraman inggian jaga ngerereh surat-surat sane mapaiketan sareng Desa Pakraman Batur;
 12. Prade wenten krama Desa Pakraman magentos agama sewosan ring agama Hindu, kanorayang mendem sawa ring setra Desa Pakraman, taler nenten kangkat magenah ring tanah ayahan Desa/tanah pekarangan Desa.

PAWOS 13

INDIK PIUNING

1. Krama Desa Pakraman Batur patut mepiuning ring Jero Karaman / kesinoman prade:
 - a. Madue oka wawu embas, kembar / buncing;
 - b. Madue oka ngerorod utawi nganten;
 - c. Ngajak wang dadudukan patut nganutin pula pali adat lan dinas;
 - d. Nampi tamiu ngantos makolem lintang ring tigang rahina;
 - e. Ngajak penyakap tanah / tegal ring wewidangan Desa Pakraman Batur;
 - f. Kelayu sekaran miwah mendem sawa.
2. Tata titi mapiuning prade:
 - a. Jaga mendem sawa;
 - b. Meragatang / memirak;
 - c. Nyarengin ngaben massal.

Patut makta surat keterangan saking manggala / kelian tempek, nyantenang genah i krama Desa sampun megenah ring tempekan (conto ring sor).

PAWOS 14

INDIK CUNTAKA

1. Kulawarga sajeroning tunggal pekarangan sebel ngantos roras (12) rahina ngawit saking mendem;
2. Sebel krama / pengayah mangda nganutin ilikita tempekan.

PAWOS 15

INDIK MENDEM SAWA / ATIWA - TIWA

1. Krama Desa Pakraman sane jaga mendem sawa / atiwa – tiwa, patut mepiuning ring Jero Karaman / kesinoman Desa Pakraman;
2. Tatkala mepiuning, patut makta surat keterangan saking kelian tempek;
3. Larangan ring sajeroning mendem lan ngeseng sawa:
 - a. Gagak anungsung pati;
 - b. Was penganten;
 - c. Semut sedulur;
 - d. Kala gotongan;
 - e. Larung pagelangan;
 - f. Pasah gede;
 - g. Purnama / tilem;
 - h. Rerahinan gumi / pujawali ring Desa Pakraman;
 - i. Keleburau.
4. Ritatkala Desa Pakraman ngeker padewasaan nenten kangkat nyekkeh sawa;
5. Prade wenten tempal / mamurug sekadi pawos 15 nomor 3 (a, b, c, d, e, f, g, h, i) ring ajeng patut keni pamidanda :
 - a. Jinah bolong 1.000 kepeng / beras 300kg;
 - b. Ngaturang guru piduka ring Pura Merajapati;
 - c. Ngaturang banten pemerayascita setra;

- d. Nunas sinampura ring Krama Desa Pakraman rikanjekan rahina parum Galungan.
6. Nenten kangkat mendem sawa tigang sawa arahina, yening jaga mendem patut sawane mesarengan rauh ring setra, risampune rauh ring setra wawu dados mekarya bambang soang – soang, yening bambange sampun jumawis, mangde mendem mesarengan.

PAWOS 16

INDIK AYAH PENGAMPEL

1. Krama Desa Pakraman Batur sane dados ngeranjing ring tempekan pengampel wantah: krama sane magenah ring lintangan ring Kabupaten Bangli malarapan ngerereh pangupa jiwa (dados pegawe, pengusaha, pedagang);
2. Keni panumbas ayah manut pengarge beras 10 kg lan urunan nyabran sasih manut pesamuan Desa Pakraman, ketaur ring rahina Galungan;
3. Tempek pengampel keni penumbas ayah merupa beras 10 kg, dados ketuku antuk jinah naler keni urunan manut pasuaran desa patch sekadi tempekan-tempekan sewosan;
4. Tempek pengampel patut makarya kelihan tempek;
5. Tempek pengampel patut makarya ilikita tempekan, tan wenang nungkasin perarem / awig – awig Desa Pakraman Batur;
6. Krama Desa Pakraman Batur sane magenah ring wewidangan Desa Batur, Kecamatan Kintamani, miwah Kabupaten Bangli nenten dados ngampel patut ngayah ring tempekan;
7. Prade krama tempekan pengampel nenten naur urunan lan panumbas ayah lintang ring kalih warsa, krama punika patut kenorayang dados krama Desa Pakraman Batur ngawit punika nenten kangkat:
 - a. Mendem sawa ring setra Desa Pakraman Batur;
 - b. Nenten dados nyarengin ngaben massal sane kemargiang antuk Desa Pakraman Batur;
 - c. Nenten kangkat ngangge druen Desa Pakraman Batur;

- d. Nenten karombo antuk Desa Pakraman Batur nganinin ngerereh surat – surat sane mapaiketan sareng Desa Pakraman Batur.
8. Prade wenten krama Desa Pakraman Batur sampun ngelad kirang ring kalih warsa makrama Desa raris malih meled tedun makrama Desa patut keni:
 - a. Jinah pamogpog 2.000 kepeng jinah bolong asli / 600 kg beras;
 - b. Banten guru piduka tapakan lan pejati ring Pura Desa, Pura Puseh, lan Pura Dalem;
 - c. Nunas sinampura ring Krama Desa Pakraman Batur rikanjekan paruman rahina Galungan;
 - d. Ngeranjing ring sinilih tunggil tempekan pinaka ayahan – ayahan Desa Pakraman;
 - e. Makta surat pernyataan semanggup nenten jaga meparilaksana ngelad mekrama Desa tur satinut ring awig – awig / pasuaran Desa Pakraman.
9. Keni ayah – ayahan nemonin pujawali sasih kasa, sasih karo, lan sasih kaulu.

PAWOS 17

INDIK NGANTEN / PERKAWINAN

1. Pemargi nganten ring Desa Pakraman Batur sane kesungkemin:
 - a. Nganten meminang / arsa wiwaha kulawarga purusa lan pradana;
 - b. Nganten ngerorod.
2. Nganten kemanggchang sah risampunin ngemargiang upakara pawiwahan, meperagat / memirak;
3. Tatkala wenten krama Desa Pakraman nganten patut:
 - a. Mepiuning ring: Petinggi, Jero Karaman/Kasinoman, lan Jero Gede;
 - b. Kadulurin makta surat keterangan upasaksi prade pemargine meminang sane kalinggatanganin antuk kelihan Banjar Adat;

- c. Makta surat pernyataan sami – sami aris prade pemargine ngerorod sane kelinggatanganin antuk purusa lan pradana sang sane nganten;
 - d. Mapiuning nganten patut sareng kalih pinaka jatu kuawarga purusa;
 - e. Sane patut mepiuning bebas ngenah, guru rupaka sang nganten purusa lan pradana prade nenten medue guru rupaka kangkat sane pinaka wali. Yening pradana mawit saking dura Desa dados ngangge surat kuasa saking guru rupaka pradana, sane kauningin antuk kelihan Banjar Adat / Kelihan Dines wit sang pradana.
4. Pula pali pemargin nganten kariin antuk matur piuning sekadi pawos 17 nomor 3 (a, b, c, d, e,) ring ajeng. Malih tigang rahina malih ngewentenang piuning manut pawos 17 nomor 3(a), nyantenang nganten anake alit napi jaga ngelantur maupakara meperagat / memirak utawi jaga bebas ngenah;
5. Prade wenten krama Desa Adat Batur, ngemargiang pewarangan/nganten, mangda puput arahina (nganten pramangkin), langsung bebas ngenah, ngemargiang pengendek, mepragat/memirak punika **kadadosang**; nanging sedurung kemargiang, mangda negepin pula pali minekadi:
- a. Pemargin pewarangan/nganten sangkaning arsa wiwaha/meminang/mepadik;
 - b. Matur piuning kekeluargaan ring jero Karaman Kesinoman, tigang rahina sedurung kemargiang, ketegepin mesadu ajeng guru rupaka purusa lan pradana sane jaga nganten;
 - c. Matur piuning ring Jero Karaman makasami, nunas pemargi (nganteb) jaga ngemargiang pererebuan alit, dados kasayanang.
6. Panemaya sampun tigang rahina nganten patut kadulurin antuk piuning bebas ngenah, ngelantur ngaturang base pengendek raris peratengan (prade pemargine manut pawos 17 nomor 5 ring ajeng);

7. Nganten ngemaduang mangda nganutin sekadi pawos 17 nomor 3 (a, b, c, d, e) ring ajeng, taler kadulurin antuk makta surat pernyataan ijin saking istri pertama siap dimadu;
8. Tatkala nganten sampun madue oka mangdane kapuputang riin ring kulawarga purusa lan pradana indik status anake alit mangda wenten surat pernyataan kulawarga purusa lan pradana;
9. Prade wenten sang alaki rabi / nganten sampun naenin merabian raris palas merabi (cerai), mangdane kejantenang antuk surat keterangan cerai saking manggala kedinasan manut wit sang alake rabi;
10. Prade wenten anak istri mawit saking Desa Pakraman Batur alaki rabi / nganten kadura Desa, patut reramannyane ngaturang bakti pekandal melarapan canang tapakan, pejati, jinah penuku Rp200.000 katur ring I Ratu Gede Makolem sane kapuput oleh Jero Karaman / kesinoman;
11. Banten upakara pererebuan alit (meperagat / memirak): tapakan, pejati, kampuh sagian, pengejeroan, ajuman, tuak saguci, klaci 2400 kepeng uang bolong, segehan jangkep petabuh katur ring ajeng I Ratu Gede Makolem;
12. Yening pawiwahan kemargiang memirak keni penuku jinah Rp1.160.000,-;
13. Nenten dados ngemargiang pawiwahan / meperagat / memirak namonin rahina:
 - a. Purnama, tilem lan tumpek;
 - b. Desangeker dewasa;
 - c. Wali / Ida Bhatara nyejer;
 - d. Rahina sane tiosan manut pasuaran Desa Pakraman.
14. Pawiwahan matiosan agama patut:
 - a. Makte surat pernyataan nganten saking manggala dinas;
 - b. Sampun mesudi wedani sane kejantenang saking parisada melarapan surat keterangan.
15. Jaga ngaturang upakara meperagat / memirak sadurunge patut kemargiang ngaturang base pengendek ring: Jero Gede Mekalihan, Jero Penyarikan, Jero Karaman sami / kesinoman lan petinggi;

16. Tatkala ngaturang bakti meperagat / memirak patut rauh ring ajeng pelinggih I Ratu Gede Makolem, sang nganten (purusa lan pradana), rerama / wali saking purusa lan pradana pinaka saksi;
17. Prade silih tunggil ten kedagingin manut nomor 16 ring ajeng nenten praside memargi pula pali ngaturang bakti meperagat / memirak punika;
18. Prade wenten krama Desa sampun makta upakara ke Pura jaga meperagat / memirak ten prasida negepin sekadi nomor 16 ring ajeng raris wangde ngemargiang bakti maperagat / memirak, krama punika satmaka sampun mogbog ring sekala lan niskala patut keni pamidanda:
 - a. Ngaturang bakti guru piduka ring ajeng pelinggih I Ratu Gede Mekolem;
 - b. Nunas sinampura ring Jero Karaman sami.
19. Prade wenten krama Desa Pakraman Batur pradana nganten ke ambil saking krama luar negeri patut:
 - a. Kulawarga purusa matur piuning ring Jero Karaman / kesinoman;
 - b. Prade nenten medue kaluwarga ring jagat Bali kangkat ngangge surat kuasa;
 - c. Keteggepin makta surat keterangan saking konsul Jendral / Kedutaan sane wenten ring jagat Bali, nyantenang kewarganegaraan sang purusa, tur nyantenang sampun nganten ngambil istri saking Desa Pakraman Batur.

PAWOS 18

INDIK MEPEKERANG

Krama Desa Pakraman Batur sane jaga ngemargiang upakara mepekerang patut:

1. Matur piuning tigang rahina sedurung mepekerang ring Jero Karaman / kesinoman;
2. Makta surat keterangan saking Kepala Desa;

3. Makta surat pernyataan sang sane mepekerang nyantenang sumanggup ngupapira sang sane dipekerang;
4. Makta surat persetujuan saking kulawarga (saudara kandung) taler kesungkemin saking semeton misan (tunggal sanggah / tunggal waris), taler saking kulawarga sane dipekerang (yening wenten);
5. Banten mepekerang: kampuh sagian, tapakan, pejati, pengejeroan, tuak saguci, segehan sejangkepnyane. Yening ten prasida mekarya banten dados keperak / ketuku antuk jinah (nunas bakti ring Jero Kasinoman);
6. Tatkala sampun panamaya mebakti ring ajeng pelinggih Ida I Ratu Gede Mekolem mangda wenten upasaksi saking kulawarga (saudara kandung lan misan), utawi kulawarga sang sane dipekerang (yening wenten);
7. Mepekerang boya nyantenang indik hak waris mewaris. Nganinin indik waris mewaris mangdane kejantenang olih kula warga sang mapakerang (semeton kandung, misan, lan semeton waris makesami.

PAWOS 19

INDIK KEPATIAN / KELAYU SEKARAN

1. Prade wenten krama Desa Pakraman seda / padem patut:
 - a. Matur piuning ring Jero Karaman / kasinoman;
 - b. Yening jagi nyekeh sawa patut mepiuning ring Jero Karaman / kesinoman;
 - c. Indik jaga mendem sawa patut nganutin pawos 15 ring ajeng;
 - d. Tatkala sawane sampun ring jerogjogan setra patut malih mepiuning ring Jero Karaman / kesinoman;
 - e. Nunas toya ring Jero Karaman / kesinoman masrana antuk : payuk tanah, tiga muncuk dapdap, jinah bolong solas kepeng, benang putih, canang pejati, maduluran pabatu jinah bolong 25 katur ring I Ratu Tengahing Segara lan pabatu jinah bolong 25 katur ring I Ratu Gede Mekolem;
 - f. Ngaturang pesanga ring pemangku I Ratu Ketut Gubah inggih punika:

- Yen sampun mekumpi seda / padem, ngaturang pesanga jinah bolong 33;
 - Yening durung mekumpi seda / padem, ngaturang pesanga jinah bolong 25;
 - Yen anak cerik seda / padem, ngaturang pesanga jinah bolong 15.
2. Prade wenten krama Desa Pakraman seda / padem sangkaning salah pati lan ulah pati, patut:
- a. Nenten kangkat nyekoh sawa;
 - b. Wates lintang ring tigang rahina kanton maurip raris seda utawi padem, punika kebaos seda / padem pula pali manut sekadi padem biasa;
 - c. Prade wenten mamurug, nginepang / nyekoh sawa sangkaning seda / padem salah pati lan ulah pati keni pamidanda:
 - c.1 Mesapuh – sapuh ring palemahan Desa Pakraman Batur, ring tanggun Desa Kelod, Kaja lan Jaba Pura Batur melarapan upakara caru manca sato;
 - c.2 Nunas sinampura ring krama Desa Pakraman rikanjekan paruman rahina Galungan.
 - d. Mendem sawa salah pati lan ulah pati magenah ring setra kaja kauh, prade wenten mamurug keni upakara pemerayascita setra.
3. Ten kangkat nyekoh sawa prade:
- a. Wali / Ida Bhatara Nyejer;
 - b. Desa ngeker dewasa;
 - c. Manut pasuaran Desa;
 - d. Prada wenten piwal nenten nganutin manut kapidarta ring ajeng (a, b, c) keni pamidanda:
 - d.1 Mesapuh-sapuh ring palemahan Desa Adat Batur ring tanggun Desa Kelod, Kaja lan Jaba Pura Batur, malarapan caru manca sato, metutuan;
 - d.2 Nunas sinampura ring krama Desa Adat Batur rikanjekan paruman rahina Galungan.

4. Prade wenten Krama Desa Pakraman jaga ngemargiang upakara Pitra Yadnya / ngaben (ngeraga), mangdane mepiuning ring Jero Karaman / kesinoman;
5. Seda utawi padem salah pati lan ulah pati ring dura Desa, sawanyane nenten dados bakta budal ke Puri sang kelayuan, patut kapreteka ring jerogjogan setra ngelantur mendem ring setra kaja kauh;
6. Prade wenten krama Desa Pakraman nyekeh sawa nenten mepiuning ring Jero Karaman / kesinoman, raris sang kesinoman nyuarayang tengeran pingit Desane kulawarga sane nyekeh sawa keni pamidanda:
 - a. Nyiramang tengeran pingit Desane;
 - b. Ngaturang bakti penebusan merupa tebasan.

PAWOS 20 INDIK PETINGGI

1. Sane meraga petinggi ring Desa Pakraman, wantah Kepala Desa, Perbekel, sane sampun dilantik oleh Pemerintah Kabupaten Bangli, tur Kantun manggeh ngamongin / pejabat aktif dados Kepala Desa/ Perbekel;
2. Melarapan sampun kesudi antuk Desa Pakraman ngemargiang upakara makraman, sane kepererisakin antuk Desa Pakraman;
3. Petinggi ring Desa Pakraman wantah asiki, yening wenten Kepala Desa/ Perbekel lintangan ring asiki tur sampun kepererisakin antuk Desa Pakraman indik amongan petinggi mangda magilih nyabran a warsa apisan;
4. Kepala Desa/Perbekel sane durung kepererisakin antuk Desa Pakraman nenten kangkat nerima peratengan;
5. Kepala Desa/Perbekel sane nenten ngemargiang upacara makraman nenten kangkat dados petinggi duaning durung nganutin pula pali amongan petinggi;
6. Kepala Desa/Perbekel sane nenten makraman mangde tetep ngayah ring sinilih tunggil tempekan / kangkat magenah ring tempek pengampel.

PAWOS 21

INDIK ULIH – ULIHAN PETINGGI

1. Petinggi polih pah – pahan catu laba Pura / sikutan, sane keinter antuk pinta Desa Pakraman;
2. Kangkat nerima peratengan rikalaning krama Desa ngemargiang upacara meperagat;
3. Polih pah – pahan jinah pamuput ritatkala ngemargiang upacara ring I Ratu Gede Karang Buncing namonin upacara meperagat;
4. Polih pah – pahan tiosan manut perarem lan pasuaran Desa Pakraman.

PAWOS 22

SWADHARMANING PETINGGI

1. Ngerombo seraja karya Desa Pakraman;
2. Nyanggra / ngemargiang pasuaran Desa Pakraman;
3. Nuntun krama Desa Pakraman ngupadi kasukertan agama, kesucian parhyangan, pawongan lan palemahan;
4. Nganteb pemargi upacara meperagat, banten sane katur ring I Ratu Gede Karang Buncing;
5. Nyuarayang tengeran jaba ritatkala rahina Buda Kliwon;
6. Nyanggra piuning I krama Desa Pakraman ritatkala mepewarangan;
7. Negemin Pelinggih I Ratu Gede Karang Buncing;
8. Nyanggra Desa Pakraman ritatkala ngemargiang upacara sasih kesanga, Desa tedun ring Puri Petinggi;
9. Naur jinah taka turun nyabran enam sasih apisan akehnyane manut pasuaran Desa Pakraman;
10. Nyobyahang sekancan hasil keputusan prarem Desa Pakraman sane mapaiketan ring parhyangan, pawongan lan palemahan, majeng ring krama Desa Pakraman / tempekan;

11. Ngaturang wali ring tengeran jaba Pura tatkala rahina tumpek pengatag.

PAWOS 23

INDIK TEMPEK TETIMBANG DESA PAKRAMAN

1. Petinggi sane sampun makraman risampune wusan dados Kepala Desa/Perbekel, patut magenah ring tempek tetimbang Desa Pakraman;
2. Tempek tetimbang Desa Pakraman pinaka manggala / koodinator pelancang Desa Pakraman;
3. Nyarengin kesinoman ring Desa Pakraman magenah ring sinilih tunggil regu kesinoman pelancang;
4. Ngicenin tetimbang nganinin wicara lan sane tiosan sane nibenin Desa Pakraman, nganutin pasuaran Desa yening kabuatang antuk Desa Pakraman patut nyarengin mawirasa ngicenin tetimbangan;
5. Naur jinah taka turun nyabran enam sasih apisan akeh nyane manut pasuaran Desa Pakraman nyarengin pelancang;
6. Ngerombo seraja karya Desa Pakraman;
7. Prade sane sampun naenin dados petinggi, sampun makraman malih ngambil rabi / nganten, patut mewali ke watek umah magenah ring tempekan pengayah.

PAWOS 24

INDIK NGEMBASANG OKA KEMBAR, KEMBAR BUNCING LAN NGATIJURU

1. Desa Pakraman ngemargiang ma isu-isu rismapune nem rahina rare ne embas;
2. Masadi kamargiang risampuni 42 rahina rarene embas;
3. Ida Bhatara Melasti ninjo bubung, bantang anyud, miwah pelisan, yening wenten krama Desa ngembasang oka kembar;

4. Ida Bhatara Melasti ke pesisi kelod, yening wenten krama Desa ngembasang oka buncing/ngatijuru;
5. Prabeya upakara masadi, Desa Pakraman patut matatulung, taler krama Desa Pakraman keni urunan/patus akehnyane manut keputusan perareman Desa Pakraman.

PAWOS 25

INDIK DANE SARENG NEM

- (a) Sane meraga sareng Nem (6) ring Desa Pakraman Batur inggih punika:
 1. Jero Gede Batur Kanginan;
 2. Jero Gede Batur Kawan;
 3. Jero Balean Kajanan;
 4. Jero Balean Kelodan;
 5. Jero Penyarikan Duuran;
 6. Jero Penyarikan Alitan;
- (b) Jero Gede mekalihan Tan Keneng Cuntaka (sebel);
- (c) Dane sareng Nem (6) nenten keiket ring pawos 19, Nomor : 2 (a,b,c,d), Nomor : 3 (a,b) lan Nomor: 5 ring ajeng;

PAWOS 26

1. Sakaluring sane kirang kasurat ring sajeroning awig – awig puniki jaga ketegepin malih nganutin tat acara sane sampun ketah memargi kadulurin antuk paruman – paruman Desa Pakraman;
2. Awig–awig puniki kararemin duk rahina Buda Kliwon Wuku Dungulan, Pinanggal 26 Desember 2018;
3. Awig – awig puniki kalingga tanganin antuk:
 - a. Jero Gede Batur Kanginan;
 - b. Jero Gede Batur Kawan;
 - c. Mangala Jero Karaman;
 - d. Manggala Kelian – Kelian tempek.

SARGA IV

NGUWAH – NGUWUHIN AWIG – AWIG

PAWOS 27

1. Nguwah – nguwuhin awig – awig Desa Pakraman mangda kemargiang melarapan paruman Desa Pakraman;
2. Nguwah – nguwuhin mangda kdasarín antuk segilik saguluk.

PENEGEP AWIG-AWIG DESA PAKRAMAN BATUR, WARSA 2018

Penegep Pawos 12 nomor 7

- A. Peduluan sane sampun wenten ring pura-pura sane wenten ring sejebag Batur sedurung medal awig-awig puniki indik pemargi ayah-ayah memargi sekadi patut, tetep sekadi sane sampun memargi, ring soang-soang Pura inucap;
- B. Ngawit pinanggal 26 Desember 2018, ngawit awig-awig sane sampun kesungkemin. Prade wenten pura/pengempon jage mekarya peduluan, tiosan ring kesudi antuk Desa Pakraman Batur pemargi ayah-ayah mangde nganutin sekadi sane sampun kesurat ring awig-awig manut Pawos 12 Nomor 7.

LARANGAN RING SAJERONING MENDEM LAN NGSENG SAWA

A. Gagak Anungsung Pati

- Tanggal ping 9
- Pangelong apisan
- Pangelong ping 6
- Pangelong ping 14

B. Was Panganten (yan mamurug akeh sane sakit lan padem):

- Taulu : Redite Kliwon, Soma Umanis, Anggara Pahing, Buda Pon, Wrespati Wage, Sukra Kliwon, Saniscara Umanis
- Dungulan : Redite Pahing, Soma Pon, Anggara Wage, Buda Kliwon, Wrespati Umanis, Sukra Pahing, Saniscara Pon
- Menail : Redite Umanis, Soma Pahing, Anggara Pon, Buda Wage, Wrespati Kliwon, Sukra Umanis, Saniscara Pahing
- Krulut : Redite Wage, Soma Kliwon, Anggara Umanis, Buda Pahing, Wrespati Pon, Sukra Wage, Saniscara Kliwon
- Dukut : Redite Pon, Soma Wage, Anggara Kliwon, Buda Umanis, Wrespati Pahing, Sukra Pon, Saniscara Wage

C. Semut Sedulur (yan kapurug ngawinang mairing-iringan sane padem):

- Sukra Pon $= 6 + 7 = 13$
- Saniscara Wage $= 9 + 4 = 13$
- Redite Kliwon $= 5 + 8 = 13$

D. Kala Gotongan Patch ring Semut Sedulur :

- Sukra Kliwon $= 6 + 8 = 14$
- Saniscara Umanis $= 9 + 5 = 14$
- Redite Paing $= 5 + 9 = 14$

E. Larung Pagelangan (Nenten Becik) :

- Wrespati tanggal / Pengelong ping 6

F. Pasah Gede (Pasah nemu tungleh)

- G. Bangbang apit setra upami : Soma jumlah urip 10, Anggara jumlah urip 11, Buda jumlah urip 10 jumlah urip Anggara kaapit. Ring anggarane nenten dados mendem / ngeseng sawa.
- H. Purnama / Tilem (Payogan para Dewa)
- I. Rerainan Gumi miwah sane lianan.
- J. Kalebu Rau (ngeseng Sawa patut waspada)
- Redite Umanis Landep
 - Anggara Pon Warigedean
 - Redite Umanis Ukir
 - Anggara Umanis Uye
 - Redite Umanis Warigedean
 - Anggara Wage Matal
 - Redite Kliwon Medangkungan
 - Anggara Paing Bala
 - Redite Kliwon Watugunung
 - Anggara Pon Langkir

SURAT KETERANGAN

Rerepi katur ring : Jro Karaman / Jro Kesiroman Desa Pakraman Batur

Ring : Batur

Titang: : Penglisir

: Ketua

: Kelian Tempek.....

Nyantenang:

√ Pesengan>Nama :

√ Genah/Alamat :

Wiyakti sampun metempekan ring tur sampun tegopin
indik urunan/nenten wenten tunggakan, dwaning iage: ngaturang bakti
meperagat/memirak, mendem sawa, nyrengin ngaben
masal, ring Desa Pakraman Batur.

Batur, 20..

Titang

Penglisir/Ketua/Kelian

Tempek

Tanda tangan, Stempel

Nama Lengkap

**AWIG – AWIG DESA PAKRAMAN BATUR, PUNIKI KERAREMIN
DUK RAHINA : BUDA KLIWON WUKU DUNGULAN.**

Pinanggal 26 Desember 2018

Sane Ngeraremin:



Jero Gede Batur Kanginan



Jero Gede Batur Kawan

Ngangganin Jero Karaman



Guru Wayan Asta




Guru Wayan Karda

Ngangganin Jero Palancang



Nengah Panca




I Nengah Gama

Ngangganin Tempek Jero Gambel



I Wayan Andagama



I Wayan Budiawan

Ngangganin Tempek Jero Baris



I Made Satya Java



I Ketut Sada

Ngangganin Tempek Jero Undagi




I Putu Eka Wikrama Java



I Nyoman Sirat

Ngangganin Tempek Jero Batu Daging



I Made Sumita, ST.



I Gede Suwana

Ngangganin Tempek Jero Batu Dauh



I Nengah Suarjana



I Nyoman Wetan

Ngangganin Tempek Pengampel



I Wayan Absir



Putu Yoki Swarembawa

Ngangganin Tempek Pecalang



I Nyoman Firman



I Wayan Astawa Yasa

Keuningin Antuk:

Perbekel Desa Batur Utara

A stylized handwritten signature in black ink, featuring a large, sweeping 'P' shape with a vertical line extending downwards.

I Made Gasdinas

Perbekel Desa Batur Tengah

A complex handwritten signature in black ink, consisting of several overlapping loops and a long horizontal stroke at the end.

I Made Sasmika, SST.

Perbekel Desa Batur Selatan

A handwritten signature in black ink, featuring a large, rounded 'G' shape with several vertical strokes extending downwards.

I Gede Sarjana, SH.



DESA ADAT BATUR

KECAMATAN KINTAMANI KABUPATEN BANGLI, BALI

Sekretariat: Jl. Raya Kintamani, Desa Adat Batur, Kecamatan

Kintamani, Kabupaten Bangli, Bali. Kode Pos 80652

Email: desaadatbatur@gmail.com

Telpon. (0366-51477). WA. 081.7566. 048

Batur, 02 Oktober 2020

Nomor : 47/DAB/X/2020
Lampiran : 1 Gabung
Hal : Pendataan Awig-Awig dan Perarem
[Penyacah Awig-awig, Pangele, Panepas Wicara)

Kepada :

Yth : Kepala Dinas Pemajuan Masyarakat Adat Provinsi Bali

di

Bali

Dengan hormat,

Merujuk Surat Dari Dinas Pemajuan Masyarakat Adat, Nomor : 168/9979/PHA/DPMA, tanggal 28 September 2020 yang ditujukan kepada Bendesa Adat, , perihal Pendataan Awig-Awig dan Perarem [Penyacah Awig-awig, Pangele, Panepas Wicara], untuk itu dengan ini kami kami sampaikan hard copy berupa buku Awig-Awig Desa Adat Batur terlampir .

Demikian kami sampaikan atas perhatian, bantuan dan kerja samanya kami ucapkan terima kasih.

Bendesa
Desa Adat Batur

Irena Gede Duhuran



DESA ADAT BATUR

KECAMATAN KINTAMANI KABUPATEN BANGLI, BALI
Sekretariat: Jl. Raya Kintamani, Desa Adat Batur, Kecamatan Kintamani,
Kabupaten Bangli, Bali. Kode Pos 80652
Email: desaadatbatur@gmail.com
Telpon. (0366-51477). WA. 081.7566. 048

Lampiran I

Keputusan Nomor :01/KEP.DAB/XII/2019

Tentang Susunan Prajuru Desa Adat Batur Masa Bakti 2019-2021

SUSUNAN PRAJURU DESA ADAT BATUR

- | | |
|---------------|----------------------------|
| 1. Bandesa | : Jero Gede Duhuran |
| 2. Patajuh | : Drs I Wayan Asta |
| 3. Penyarikan | : I Made Wilantara |
| 4. Petengen | : I Made Santika |
| 5. Anggota | : 1. Guru Wayan Karda |
| | 2. Guru Wayan Revolusi |
| | 3. Guru Wayan Waji |
| | 4. Guru Nengah Ardil |
| | 5. Guru Nengah Setia Sapta |
| | 6. Guru Nyoman Sentana |
| | 7. Guru Wayan Werna |
| | 8. Guru Wayan Wargi |
| | 9. Guru Nengah Absir |
| | 10. Guru Nengah Susiana |
| | 11. Guru Nengah Narba |
| | 12. Guru Wayan Witaya |
| | 13. Guru Wayan Korlat |
| | 14. Guru Nengah Keteb |
| | 15. Guru Wayan Sosial |
| | 16. Guru Wayan Kridit |
| | 17. Guru Ketut Kasa |
| | 18. Guru Nengah Kasli |
| | 19. Guru Nyoman Sumarto |
| | 20. Guru Nengah Yama |
| | 21. Guru Wayan Nurintang |
| | 22. Guru Wayan Arya |
| | 23. Guru Wayan Lempana |
| | 24. Guru Wayan Kawet |
| | 25. Guru Nengah Sudana |
| | 26. Guru Nengah Wedana |

Ditetapkan : di Batur

Pada tanggal :09, Desember, 2019





DESA ADAT BATUR
KECAMATAN KINTAMANI KABUPATEN BANGLI, BALI
Sekretariat: Jl. Raya Kintamani, Desa Adat Batur, Kecamatan Kintamani,
Kabupaten Bangli, Bali. Kode Pos 80652
Email: desaadatbatur@gmail.com
Telpon. (0360-51477). WA. 081.7566.048

KEPUTUSAN
BANDESA DESA ADAT BATUR
NOMOR :02/KEP.DAB/XII/2019

TENTANG
SUSUNAN PRAJURU DESA ADAT BATUR

Atas asung waranugraha Ida Sanghyang Widhi Wasa/Tuhan Yang Maha Esa.

BANDESA ADAT BATUR

Menimbang

1. Bahwa untuk memperlancar tugas Prajuru Desa Adat Batur, dipandang perlu menetapkan susunan Prajuru Desa Adat sesuai awig-awig Desa Adat, Perarem Desa, dan Catur Dresta serta Keputusan Paruman Desa Adat.
2. Bahwa nama-nama yang tercantum dalam lampiran keputusan ini dipandang mampu dan cakap mengemban tugas Keprajuruan Desa Adat Batur berdasarkan hasil musyawarah mufakat krama Desa Adat Batur.
3. Bahwa Prajuru Desa Adat Batur sesuai diktum 1, dan 2 bertanggungjawab penuh sekala niskala sebagai wujud pengabdian pada Desa Adat.

MENGINGAT

1. Pasal 18 B ayat (2), Undang – Undang Dasar Negara Republik Indonesia Tahun 1945.
2. Undang – Undang Nomor 23 Tahun 2014 tentang Pemerintahan Daerah, sebagaimana telah dirubah beberapa kali dan terakhir dirubah dengan Undang-Undang Nomor : 9 Tahun 2015 tentang Perubahan kedua atas Undang-Undang Nomor 23 tahun 2014 tentang Pemerintahan Daerah.
3. Peraturan Daerah Provinsi Bali Nomor 4 Tahun 2019 tentang Desa Adat di Bali.
4. Peraturan Gubernur Provinsi Bali Nomor 34 tahun 2019 tentang Pengelolaan Keuangan Desa Adat
5. Awig-Awig Desa, Pararem Desa dan Peraturan yang berlaku serta Catur Dresta Desa Adat Batur